

芸庵類藁

卷一

一

二

三

四

詳校官庶吉士臣何道沖

主事臣呂雲棟覆勘

謄錄監生臣董誠

謄錄監生臣王人作

欽定四庫全書

芸庵類藁卷五

宋 李洪 撰

五言絕句

過分水嶺

江南山盡處
兩山如石門
溪流湍激雪
殘日雨猶存

回文

病卧愁花落
春深怨夜長
鏡明羞短髮
窻淨惜殘香

六言絕句

題慈感寺極目軒

紅芰敷腴獻笑青山偃蹇橫陳身在水晶宮裏須信義
皇上人

寺枕苕溪一曲僧依城郭千家客至未嘗芡觜我來恰
及荷花

塵眼登臨清曠水心樓閣崢嶸欲見普門大士菰蒲影
裏鐘聲

范至能遊靈石錄示詩仙留題云

南塢數回泉石西風幾疊烟雲登攜孰與為侶顏禹李
甲蕭筠

鼎峙傲睨絕景揮毫想見凌雲落落真筌玉子步虛寧
作吳筠

勝槩風生步武山靈景從歸雲塵世欲尋飈馭藤陰萬
箇蒼筠

雨後泉淙水樂詩成目送孤雲寄興西湖南北忘年丘
壑松筠

戲題

世事悠悠豈盡人生汲汲多端陶令欲歌歸去貢公何
事彈冠

多病閉門懶出避喧終日高眠惟可以君命竹安能以
兄事錢

七言絕句

登瀟灑亭

文正風流尚典刑桐江畫戟見詩人丹青難寫真瀟灑

圓嶠方壺此逼真

殘春偶作

溪邊且種刺史柳園裏未栽懷縣花
若有故人來問字浮圖西畔綠陰斜

閒裏光陰趣漸長下簾深護一鑪香
遊心華藏衆香國絕勝爭名翰墨場

周堯夫示秋懷詩然公方為貴恙所撓因以箴之

伐性蛾眉賈禍長何如鈐鼎養中央應憐刺刺出門語
苦怨寥寥秋夕涼

宿湯泉驛

炎方到處水如湯地脉深疑有臭黃猶勝驪山污艷質
漁陽簇馬鑒興亡

題謫仙回舟卧披錦袍圖

太白狂歌一酒船錦袍夜醉楚江邊此時應向剡中宿
逼耳清猿月滿川

和人松江

塵纓快濯四橋水曳履却上三高堂
欲按新圖買漁具短蓑窮笠混行藏

去年春盡西湖上把酒看山聽澗泉
今日松江烟浪裏平分詩思入漁船

以雪梨遺韓子文

嫠女新梨玉雪如姑山綽約想肌膚
使君應喚纖纖手飭座風流近酒壺

老人亭

夢中已識雪髯翁
線去絲來信不通
覲面相呈了無得
巖前萬竅自號風

即事

寶策歡傳萬歲聲
塗山執玉萃華纓
獨憐太史周南滯
不預堯階賀太平

冉冉殘年白髮新
可憐蹭蹬老修鱗
坐觀溝瀆尋常困
未使揚鬢化若神

塗中雜興

畏日炎炎火傘張
扁舟挂席泛滄浪
飛流濺沫傾三峽
過嶮方知有底忙

草間蟋蟀動秋吟
偏感羈栖旅念深
功業豈關雙鬢事
年來白處已通心

很石驚濤枕席喧
長江蛟鰐屢垂涎
早知行路難如此
何似修塗穩著鞭

荔子如丹橄欖青
紅蕉葉落古榕清
溫湯浴罷晚風快

老酒傾盆醉月明

山顛恠石如蹲獸波底危磯似化羊却憶鑑湖明月裏
綠荷紅芰暑風涼

釣臺

故人澤畔被羊裘高挹中天會冕旒不使客星侵帝座
謾誇拜衮與封侯

古木陰森蔽釣臺蒼崖石壁倚天開當年童稚曾遊處
十八年間復此來

偶書

世事悠悠莫問天
一觴且醉酒中賢
階前落葉無人掃
蒲院芭蕉聽雨眠

騎驪

留城鎮無馬
羌驪相送

留城北去去分驪
冷笑親朋駟馬多
賴得勁蹄無可礙
一鞭安穩過沙河

過張司空廟

昔人博物豈虛傳
自斲龍泉古獄邊
今代司空應見慣

斗間何用氣衝天

竅木詩

竅木饕風耐歲寒
輪囷入用固知難
不才果得全樗散
且伴幽人澗谷盤

道中聞啼鳥

翠陰叢竹轉山腰
忽聽一聲婆餅焦
想見故園春社近
杏花消息雨連朝

富沙城外李花盛開

萬石灘頭數十家
溪流衮衮麥畦斜
三分春色今餘幾
開盡桃花見李花

題安頭陀石室

頭陀靈迹闕巖隈
尋勝何人肯暫來
野鳥銜花無覓處
綠苔封逕看空回

和鄭康道探梅十絕句

國艷水姿非世粧
忍教臘雪苦韜藏
昔年曾醉萬松嶺
尚友詩人蘇與黃